

**KANTONALNA
PRIVREDNA
KOMORA TUZLA**

**BROJ 7-9/25,
juli – septembar
2025. godine**



KOMORSKI INFORMATOR



**NOVA ČLANICA KOMORE:
„TTU ENERGETIK“
DOO TUZLA**



**ZAJEDNIČKE AKTIVNOSTI
KOMORA TUZLE I
ISTANBULA**



**UČENICIMA URUČENI
PRIRUČNICI ZA NOVO
ZANIMANJE**



**PETA GRUPA OBUKE
MENTORA PRAKTIČNE
NASTAVE**

Komorski informator

Uvod

Poštovani čitaoci!



Nakon pauze zbog godišnjih odmora, sajamske nastupi su označili aktivnosti u nastavku 2025. godine. Posebno kraj avgusta i početak septembra.

Tradicionalno smo u posljednjoj sedmici avgusta predstavili „Privredu TK“ na sajmu u Gradačcu a onda je postavka pod ovim nazivom bila prisutna i u Modriči i u Bihaću. Do kraja godine, očekuje nas još niz sajamskih aktivnosti u Sarajevu, Beogradu, Zagrebu, Tešnju, Brčkom, desetak sajмова i prilika za promociju i predstavljanje proizvoda i usluga firmi članica Komore.

Nastavljane su i aktivnosti u okviru dvogodišnjeg projekta „Unapređenje okvira za integraciju dualno organizovanog obrazovanja u Tuzlanskom kantonu“ koji za cilj ima unapređenje saradnje škola za srednje stručno obrazovanje i obuku i poslovnih subjekata u Tuzlanskom kantonu i sistemski pristup za uvođenje elemenata dualno organizovanog obrazovanja. Realizovana je peta obuka Mentora praktične nastave kod poslovnih subjekata u Tuzlanskom kantonu. Obuku su zajednički realizovali Pedagoški zavod i Komora i učestvovalo je 17 polaznika. Cilj obuke je stvoriti što veću bazu mentora za rad sa učenicima u privredi, osposobiti mentore u dijelu pedagoško-didaktičkih kompetencija, a istovremeno unaprijediti kvalitet praktične nastave generalno. Upriličena je i posjeta Mješovitoj srednjoj školi Živinice gdje su učenicima uručeni priručnici za novo zanimanje „Rukovalac mašinama za obradu metala“

U Komori je održana i jedna od rasprava o Nacrtu zakona o gasu FBiH koje je provodilo Federalno ministarstvo energije, rudarstva i industrije. Aylin Odabaš direktorica Odjela za sajmove u Privrednoj komori Istanbul je, sa svojim saradnicima, posjetila Komoru i razgovarala sa Nedretom Kikanovićem predsjednikom Kantonalne privredne komore Tuzla i njegovim saradnicima.

Još jedno sadržajno izdanje Komorskog informatora donosi i informacije o novim članicama Komore, o kadrovskim promjenama u Privrednoj komori RS i Udruženju poslodavaca FBiH. Tu su i statistički pokazatelji industrijske proizvodnje Tuzlanskog kantona, potrošačke korpe u FBiH, informacije o aktivnostima u Gradu Tuzli, ministarstvima i Vladi Tuzlanskog kantona...

Dino Kalesić
gl. i odg. urednik



Komorski informator

Sadržaj

KANTONALNA
PRIVREDNA
KOMORA TUZLA

KOMORSKI INFORMATOR
BROJ 7-9/25,
juli – septembar
2025. godine

IZDAVAČKI SAVJET:
Nedret Kikanović
Almir Mešić
Edina Kurtić
Suad Selimović

REDAKCIJSKI KOLEGIJ:
Nedret Kikanović
Almir Mešić
Edina Kurtić
Suad Selimović

IZDAVAČ:
Kantonalna privredna
komora Tuzla

GL. I ODGOVORNI UREDNIK:
Dino Kalesić

TEHNIČKA PRIPREMA,
REPRO I ŠTAMPA:
GRIN d.o.o. Gračanica

ZA ŠTAMPARIJU:
Mirnes Salihović, direktor

TIRAŽ:
500 primjeraka.

ADRESA:
Trg slobode bb
e-mail: kpktz.ba@bih.net.ba
<http://www.kpktz.ba>

	Nova članica Komore: „TTU energetik“ doo Tuzla	4
	Nova članica Komore: “Marketar” Tuzla	5
	Zajedničke aktivnosti komora Tuzle i Istanbula	6
	Učenicima uručeni priručnici za novo zanimanje	7
	Peta grupa obuke mentora praktične nastave	8
	Radionica u okviru projekta SYSTEMEU	9
	Tuzla primjer održivog energetskog razvoja	10
	Wizz Air ponovno otvara avio bazu u Tuzli	11
	„Privreda TK“ u Gradačcu, Bihaću, Modriči	12 i 13
	Najava sajamskih aktivnosti	14 i 15
	Partneri Rudnika soli kod premijera	16
	Počinje realizacija mega ekološkog projekta u TK	17
	Rast broja zaposlenih u trgovini	18
	Zahvalnost resornom ministarstvu za podršku	19
	Sufinansiranje izgradnje brzih punionica vozila s pogonom na električnu energiju	20
	Sindikalna potrošačka korpa u BiH 3.541 KM	21
	Goran Račić novi predsjednik Privredne komore RS	22



Nova članica Komore...

„TTU energetik“ doo Tuzla

Osnivanje firme 1936. godine kao Mehanička radionica



Tvornica transportnih uređaja energetik d.o.o. Tuzla je nova članica Kantonalne privredne komore Tuzla.

TTU energetik je lider u bosanskohercegovačke mašingradnje i jedan od najvećih proizvođača mašina kontinuiranog transporta na Balkanu. To je firma bez čijih transportera proizvodnju u rudnicima danas nije moguće zamisliti, a trakasti transporter TTU energetik d.o.o. Tuzla nezamjenjivi su u energetici, rudarstvu, procesnoj industriji i industriji uopšte. Tvornica transportnih uređaja Tuzla osnovana je daleke 1936. godine kao Mehanička radionica sa 14 radnika koji su obavljali poslove održavanja postrojenja opreme Solane i slanih bunara u Tuzli, kao i rudarske mehanizacije u jamama rudnika Moluhe. U proteklih skoro osam decenija postojanja TTU je prošla kroz brojne transformacije i organizacione promjene, ali i bilježila konstantan razvoj. Tako je TTU od male radionice, izrasla u savremenu tvornicu koja je svojim inovativnim rješenjem, pored vlastitog, omogućila intenzivan razvoj rudarstva, industrije i energetike na ovom području. Nakon Odluke usvojene na Skupštini JP Elektroprivreda BiH d.d. – Sarajevo 08. septembra 2016.godine i Odluke koju su dioničari Rudnika mrkog uglja Banovići d.d. Banovići usvojili na sjednici 10.oktobra 2016. godine, stečeni su uslovi za potpisivanje Ugovora o formiranju privrednog društva Tvornica transportnih uređaja energetik d.o.o. Tuzla, čiji su osnivači JP Elektroprivreda BiH d.d. – Sarajevo i Rudnik mrkog uglja Banovići d.d. Banovići. JP Elektroprivreda BiH d.d.-Sarajevo u osnivanje društva ulazi sa 80% vlasništva, dok će 20% osnovnog kapitala biti u vlasništvu RMU Banovići d.d. Banovići.



Na temelju nekadašnjeg giganta TTU energetik d.o.o. Tuzla premašio je sva očekivanja i u kratkom periodu postao respektabilna firma sa jasnom vizijom OŽIVITI METALSKU INDUSTRIJU! Osnovan sa primarnim ciljem da pruži direktnu podršku Elektroprivredi Bosne i Hercegovine i rudnicima koji posluju u koncernu. TTU energetik d.o.o. Tuzla je probio okvire i uspio nametnuti se na zahtjevnom tržištu. Ova firma pokazala je da dobrim upravljanjem precizno isplaniranim i požrtvovanim radom za kratko vrijeme može pružiti vrhunsku vrijednost i zadovoljstvo našim kupcima kroz inovativne proizvode i usluge. Cilj nam je postati globalni lider u industriji, nudeći najkvalitetnije proizvode i ispunjavajući potrebe naših kupaca diljem svijeta. Nastojimo postavljati nove standarde kvalitete i performansi, te biti prepoznati kao pouzdan partner u svim segmentima našeg poslovanja. Inovacija, održivost i visoka kvaliteta naših proizvoda i usluga je naš moto. Posvećeni smo pružanju izvrsnosti kroz saradnju, stručnost i neprestano ulaganje u razvoj i poboljšanje naših proizvoda kako bismo ostvarili najbolje rezultate.



Nova članica Komore...

“Marketar” - Od karijere do sopstvenog brenda

Direkcija za marketing sa širokim spektrom usluga



Nova članica Kantonalne privredne komore Tuzla je firma „Marketar“ iza kojeg stoji Dunja Durmić – mlada žena, dugogodišnja marketinška stručnjakinja i sada poduzetnica. Dunja se marketingom bavi više od 12 godina, a iza sebe ima više od 300 ostvarenih saradnji. Nakon iskustava u marketingu, odlučila je pokrenuti vlastiti biznis – Marketar – kako bi spojila kreativnost sa digitalnim svijetom i poduzetničkim duhom.

“Želja za samostalnošću i mogućnost da realizujem vlastite ideje bili su glavni motivatori za ulazak u poduzetništvo. Nikada nisam požalila zbogom dluke. ček ni pored brojnih prepreka na koje sam nailazila i na koje poduzetnici općenito nailaze. Jedna od glavnih prepreka je složena administracija i visoki doprinosi, što otežava poslovanje obrtnicima. Takođe, nedostatak institucionalne podrške i edukacija za obrtnike predstavlja izazov. Naravno, tu su i brojne prednosti. Biti obrtnik znači imati potpunu slobodu u vođenju posla. Mogu brzo donositi odluke, testirati nove ideje i graditi direktan, kvalitetan odnos s klijentima. Svaka strategija, kampanja ili vizual koji kreiram nosi moj lični potpis, što me dodatno motiviše da stalno unapređujem ono što radim. Takođe, sama biram s kim i kako radim, što je velika prednost u poređenju sa klasičnim zapošljavanjem.”, kaže Dunja, naglašavajući da je svaki, pa i najmanji uspjeh bio potvrda ispravne odluke.



Marketar se pozicionirao kao direkcija za marketing sa širokim spektrom usluga – digitalno oglašavanje na LED ekranima, vođenje društvenih mreža, kreiranje marketinških kampanja, izrada web stranica, e-mail marketing, grafički dizajn, marketing strategije, te profesionalno fotografisanje. Iako Dunja nema stalno zaposlene, Marketa rfuncioniše kroz mrežu saradnika – dizajnera, programera, kreatora sadržaja – što firmi omogućava fleksibilnost i visoku kvalitetu usluga, uzdržavanje kreativnog, personaliziranog pristupa klijentima. Upravo fleksibilnost, mogućnost testiranja novih ideja i individualni pristup klijentima su ono što firmu razlikuje na konkurentnom tržištu i što joj otvara vrata za rast i dugoročnu stabilnost.

Dunjin savjet mladim ljudima koji razmišljaju o poduzetništvu je jasan:

“Ako imate ideju i strast, ne bojte se da zakoračite u poduzetništvo. Svaki početak je težak, ali s vremenom i trudom, rezultati će doći”.



Ova poruka odzvanja kao potvrda da stvarna poduzetnost dolazi iz želje da se kreira – ne samo posao – nego priča, identitet i vrijednost koja ostaje. Marketar je primjer kako vizija, kreativnost i stalno usavršavanje mogu prerasti u uspješan poduhvat, čak i u izazovnim uslovima.

Pripremila: Edina Kurtić,
rukovodilac Sektora udruženja



Delegacija komore Istanbul u Tuzli...

Zajedničke aktivnosti komora Tuzle i Istanbula

Strateške smjernice saradnje dvije privredne komore



“Cilj je u narednom periodu formirati delegaciju privrednika sa područja Tuzlanskog kantona koji će doći u Privrednu komoru Istanbul a da pri tome imaju proizvode koje mogu ponuditi turskom tržištu”. Ovo je zaključak sastanka u Kantonalnoj privrednoj komori Tuzla, Aylin Odabaš direktorice Odjela za sajmove u Privrednoj komori Istanbul koja je, sa svojim saradnicima razgovarala sa Nedretom Kikanovićem predsjednikom Kantonalne privredne komore Tuzla i njegovim saradnicima. Izneseni zaključak se može shvatiti kao presedan, kao novi iskorak u odnosima turske i privrede Tuzlanskog kantona jer smo u prethodnim godinama uglavnom dočekivali privredne delegacije iz ove prijateljske zemlje koje su imale za cilj da prodaju svoje proizvode a ne da kupe naše. Da dočekamo i taj novi iskorak.

Tek, sastanak u Komori je bio konkretan, jasan i kratak, i rezultirao je strateškim smjernicama saradnje dvije privredne komore.

“Mi smo već ranije pokrenuli aktivnosti na dovođenju turskih privrednih komora na sajam u Gradačcu. Danas smo dobili potvrdu da će Privredna komora Istanbul poslati svoje predstavnike na ovu značajnu sajamsku manifestaciju. Poduzet ćemo zajedničke aktivnosti na organizovanju b2b susrete privrednika Istanbula i Tuzlanskog kantona a u okviru sajma ZEPS koji će u Zenici biti održan u septembru. Razgovarat ćemo u narednom periodu od mogućnostima zajedničkog organizovanja jednog privrednog sajma u Tuzli kojoj, kao sjedištu Tuzlanskog kantona, već dugo treba jedna kvalitetna sajamska manifestacija. Dogovorena je posjeta turskih privrednika manifestaciji Živinice open 2025 a i tu ćemo imati zajedničke aktivnosti na opvezivanju privrednika. I na kraju, posebno nas raduje činjenica da smo pozvani organizovati delegaciju privrednika sapodručja Tuzlanskog kantaona, naših članica, da posjeti Privrednu komoru Istanbul i ponude svoje proizvode turskom tržištu”, izjavio je Nedret Kikanović predsjednik Kantonalne privredne komore Tuzla.



Direktorica Aylin Odabaš je imala puno riječi zahvalnosti na prijemu, na pomoći koju je Komora Tuzla pružila Komori Istanbul pri posjetama Bosni i Hercegovini u proteklom periodu. Istakla je da će poduzeti korake i ka organizovanju posjete delegacije Privredne komore Istanbul koju bi predvodio predsjednik Şekib Avdagiç, Komori i privrednicima Tuzlanskog kantona.

“Vrlo smo zainteresovani za saradnju sa Kantonalnom privrednom komorom Tuzla. Imamo dobra iskustva, zahvalni smo na spremnosti za saradnju i poduzimanje zajedničkih aktivnosti. Dopada nam se posebno ideja da zajednički pokušamo organizovati i osmisliti sajam u Tuzli. Raduje nas doći u Tuzlu, vrlo brzo ponovo dolazimo u Tuzlu, Gradačac i želimo u Istanbulu dočekati delegaciju privrednika koju organizuje Kantonalna privredna komora Tuzla. Želimo kvalitetnu, dugoročnu i saradnju na obostrano zadovoljstvo”, izjavila je Aylin Odabaš direktorice Odjela za sajmove u Privrednoj komori Istanbul.



Kantonalna privredna komora Tuzla spremno ulazi u realizaciju dogovorenih aktivnosti, počevši od sajma Gradačac, vrlo brzo će biti pozvani privrednici, članice Komore, da se prijave za b2b susrete u Zenici, privrednu manifestaciju u Živinicama a onda i za posjetu Privrednoj komori Istanbul.

Pripremio: Dino Kalesić



Posjeta MSS Živinice...

Učenicima uručeni priručnici za novo zanimanje

Učenicima u Živinicama uručeni priručnici za novo zanimanje „Rukovalac mašinama za obradu metala“



Ahmed Omerović ministar obrazovanja i nauke Tuzlanskog kantona, Izet Numanović direktor Pedagoškog zavoda TK i predsjednik Nedret Kikanović Kantonalne privredne komore Tuzla sa saradnicima, posjetili su Mješovitu srednju školu Živinice. U ovoj školi je u ovoj školskoj godini upisano 25 učenika u novo zanimanje “Rukovalac mašinama za obradu metala”. NPP za novo zanimanje razvijen je u okviru projekta “Unapređenje okvira za razvoj dualno organizovanog obrazovanja u TK” kojeg realizuje Kantonalna privredna komora Tuzla uz podršku GiZ-a, Deutsche Gesellschaft für Internationale Zusammenarbeit (GiZ) GmbH.

U obraćanjima učenicima, istaknut je značaj odabira zanimanja koje će ih učiniti konkurentnim na tržištu rada. Ministar Omerović je iskazao zadovoljstvo povjerenjem koje je ukazano obrazovnim institucijama u procesu modernizacije i uvođenja novih, savremenih nastavnih planova i programa koji će biti u skladu sa potrebama naše privrede. Svim učenicima je poželio sretnu i uspješnu novu školsku godinu.

„Uvođenje zanimanja Rukovalac mašinama za obradu metala kojeg zajedno realizujemo sa njemačkim GiZ-om ima za cilj dodatnu sinhronizaciju obrazovanja i tržišta rada. Tržište, različite firme su zainteresirane za radnicima koji imaju ovakvu sofisticiranu obuku. Zbog toga smo sa zadovoljstvom prihvatili ovaj projekat GiZ-a koji je u procesu implementacije. Ukupno 150 učenika Mješovite srednje škole Živinice je potpisalo ugovore da ide na praksu u devet većih firmi i 22 obrta. To je značajno, jer govori da širimo praksu učenika i ovaj trend će u narednom periodu rasti. Cilj jeste da imamo jaku privredu i da imamo učenike sa dobrim obrazovanjem, a koji će kasnije imati dobar posao od kojeg će moći lijepo da živi“, kazao je ministar Omerović.

Nastavni plan i program, zasnovan je na ishodima učenja i verifikovan od strane privrednih subjekata, čime se osigurava usklađenost obrazovanja s potrebama tržišta rada. Također, učenici drugih i trećih razreda praktičnu nastavu će obavljati u poslovnim subjektima pod nadzorom certificiranih mentora.



„Nastavni plan i program je rađen u saradnji sa privrednicima i privrednici su ovaj program odobrili. Ovaj program je jako bitan za privredu. Novi nastavni plan i program će donijeti ono što želimo, da postoji protočnost škola prema privredi, da školujemo kadar koji je bitan za privredu. Zahvaljujem se Ministarstvu, GiZ-u, Mješovitoj srednjoj školi Živinice koji su prepoznali ovaj program“, rekao je Nedret Kikanović predsjednik Kantonalne privredne komore Tuzla.

Prilikom posjete, ministar Omerović i predsjednik Kikanović učenicima i nastavnicima uručili su priručnike i radne sveske koje će pomoći učenicima u savladavanju stručnih znanja i vještina iz oblasti CAD, CAM, projektovanja i proizvodnje alata i CNC tokarenja, što će ih učiniti spremnijim za učešće na tržištu rada. Posjetili su i učenike u školskim radionicama, a razgovarano je i o uključivanju novih poslovnih subjekata u proces realizacije praktične nastave. Osim u Živinicama, ovo zanimanje se, od ove školske godine, realizuje i u Mješovitoj srednjoj mašinskoj školi Tuzla i Mješovitoj srednjoj školi Gradačac, za čije učenike su također obezbjeđeni priručnici.

Priručnici i radne sveske su štampani u partnerstvu sa Deutsche Gesellschaft für Internationale Zusammenarbeit (GiZ) GmbH, u okviru programa „Održivi ekonomski razvoj i promocija zapošljavanja“ (SEDEP) u BiH, kojeg u dijelu „Jačanje srednjeg stručnog obrazovanja i obuke u BiH“ sufinansiraju Vlada SR Njemačke (BMZ) i Vlada Švicarske.

D.K.



Obuka mentora...

Peta grupa obuke mentora praktične nastave

Aktivnost u okviru programa „Održivi ekonomski razvoj i promocija zapošljavanja“ (SEDEP)



U Kantonalnoj privrednoj komori Tuzla, u periodu 11 – 13. septembra, održana je obuka za petu grupu mentora praktične nastave kod poslovnih subjekata. Obuku je prošlo 17 polaznika koji su kroz tri dana sticali dodatna znanja i vještine iz pedagoške i metodičke oblasti za rad sa učenicima koji dolaze na praktičnu nastavu. Po prvi put, obuku su prošli uposlenici Univerzitetskog kliničkog centra Tuzla, gdje praktičnu nastavu obavljaju učenici medicinskih škola. Cilj obuke je unaprijediti realizaciju praktične nastave u poslovnim subjektima kroz mentorstvo. Obuka je provedena u saradnji sa Ministarstvom obrazovanja i nauke TK i Pedagoškim zavodom, a kroz realizaciju projekta „Unapređenje i promocija dualno organizovanog stručnog obrazovanja u Tuzlanskom kantonu“ koji Komora realizuje u saradnji sa (GIZ) GmbH. Ova aktivnost se u 2025. godini realizuje u partnerstvu sa Deutsche Gesellschaft für Internationale Zusammenarbeit (GIZ) GmbH, u okviru programa „Održivi ekonomski razvoj i promocija zapošljavanja“ (SEDEP) u BiH, kojeg u dijelu „Jačanje srednjeg stručnog obrazovanja i obuke u BiH“ sufinansiraju Vlada SR Njemačke (BMZ) i Vlada Švicarske.

Pripremila: Edina Kurtić, rukovodilac
Sektora udruženja

Rasprava u Komori...

Rasprava o Nacrtu zakona o gasu FBiH

Temelji za razvoj sigurnog, konkurentnog i usklađenog gasnog sektora



Nacrt zakona o gasu FBiH je pred građanima Federacije BiH. Federalno ministarstvo energije, rudarstva i industrije pozvalo je građane, predstavnike lokalnih zajednica, stručnjake i privrednike da se uključe u javnu raspravu o jednom od ključnih energetske zakona. S tim u vezi, predviđeno je održavanje niza rasprava u većem broju gradova. Nakon Sarajeva i Orašja, i Tuzla je bila domaćin rasprave, tačnije, Kantonalna privredna komora Tuzla. Zanimljiva i važna tema privukla je zavidan broj učesnika iz različitih sektora. „Rasprava je veoma važna jer postavlja temelje za razvoj sigurnog, konkurentnog i usklađenog gasnog sektora u skladu sa savremenim evropskim praksama i energetske tranzicijom. Drago nam je da je to prepoznato kod građana. Zadovoljstvo je naše činjenicom da je i ova rasprava u Tuzli protekla u dinamičnoj atmosferi, uz aktivno učešće i konstruktivne prijedloge. Bila je ovo prilika za razjašnjenje mnogih dosadašnjih nedoumica a zabilježene su i važne sugestije. Veoma nam je bitno da čujemo prijedloge i mišljenja struke i građana kako bi zakon u konačnici bio najbolje moguće urađen. Slijedi nastavak javnih rasprava širom Federacije BiH, i pozivam sve zainteresirane da se aktivno uključe. Zakon o gasu je temelj za moderan i pravedan gasni sektor. Uključite se. Zajedno gradimo bolje zakone“, izjavio je Vedran Lakić Federalni ministar energije, rudarstva i industrije. Predstavnici JP BH-Gas su predstavili ključne projekte gasne infrastrukture u Federaciji BiH koji će dodatno ojačati povezanost sa susjednim tržištima, doprinijeti sigurnijem snabdijevanju i ubrzati energetske tranziciju. Nacrt zakona predviđa razvoj moderne gasne infrastrukture, zatim sabilnost snabdijevanja, jasna pravila za sve učesnike na tržištu, kao i usklađenost s evropskim praksama i ciljevima energetske tranzicije, isatkli su predstavnici Ministarstva za energiju, rudarstvo i industriju Federacije Bosne i Hercegovine, na raspravi održanoj u Kantonalnoj privrednoj komori Tuzla.

D.K.



Iz Ministarstva privrede...

Radionica u okviru projekta SYSTEMEU

Identificiranje izazova i prilika u oblasti digitalne transformacije u sektorima zdravstva, energije i mobilnosti



Ministarstvo privrede Tuzlanskog kantona i kompanija Industrial Automation d.o.o. Tuzla, kao partneri na međunarodnom projektu SYSTEMEU, održali su prvu radionicu za predstavnike iz javnog, privatnog, akademskog i civilnog sektora kako bi zajednički identificirali ključne izazove i prilike u oblasti digitalne transformacije u sektorima zdravstva, energije i mobilnosti. Prema riječima pomoćnice ministra privrede Erne Kusturice radi se o jednom od najvećih međunarodnih projekata u kojima učestvuje Tuzlanski kanton.

„Projekat je vrijedan blizu 15 miliona eura i implementira se istovremeno u periodu od 4 godinea fokusiran je na digitalnu transformaciju, prvenstveno u zdravstvenom sektoru, sektoru energije, mobilnosti ali i isto tako posmatramo na digitalne transformacije u multi-sektorskom okruženju. Jedna od ključnih aktivnosti koja će biti implementirana u ovom projektu jeste sufinansiranje pilot projekata u 5 regija a na koje će moći aplicirati i privredni subjekti i javne institucije i jedinice lokalne samouprave, akademski istraživački sektor. Aktivnost treba da rezultira sa 6 međuregionalnih projekata a koji trebaju doprinijeti digitalizaciji“, kazala je Kusturica.

Projekat SYSTEMEU finansira se kroz program Horizon Europe i okuplja 17 partnera iz pet evropskih regija: Bavarska (Njemačka), Kastilja i Leon (Španija), Sjeverozapadna regija (Rumunija), Braga (Portugal) i Tuzlanski kanton (Bosna i Hercegovina). Cilj projekta je jačanje sinergija između inovacijskih ekosistema u oblastima zdravstva, energetike i mobilnosti, te stvaranje povezanih inovacijskih mreža širom Evrope.

Značaj učešća Ministarstva privrede TK u projektu pojasnila je projektni menadžer Industrial Automation d.o.o. Tuzla Zlatka Grgić.

„Kada imate jednu takvu instituciju pored sebe na projektu, projekat prvo dobiva na većem značaju a i veća je potpora i ozbiljnost samog projekta. Već imamo veliki interes od strane kako kompanija, javnog sektora, NGO-a. Svi su jako zainteresovani za ovaj projekat jer je ozbiljan i imat će mjerljive rezultate“, kazala je Grgić.

Radionica u Tuzli prilika je za definisanje regionalnih prioriteta koji će biti integrisani u plan aktivnosti projekta te razmjenu ideja za razvoj pilot projekata koji će moći dobiti tehničku i finansijsku podršku kroz SYSTEMEU mehanizme.

O očekivanjima koje Grad Živinice ima od čitavog projekta govorio je stručni savjetnik za privredu i razvojne projekte Admir Alijić: „**Da vidimo koje su to mogućnosti kada su u pitanju jedinice lokalne samouprave i jačanje eko-sistema i kreiranje perspektivnije budućnosti s obzirom da Grad Živinice već godinama podržava razvoj novih biznisa, strat-up biznisa i jačamo start-up eko sistem. Želimo da na ovaj način spoznamo koje su to prilike i mogućnosti i šta možemo prepisati, kopirati i iskoristiti za Grad Živinice, konkretno kada je u pitanju razvoj inovacija i novih biznisa.**“



Stručni savjetnik za upravljanje razvojem i planiranjem u Gradu Lukavac Sena Tahirović zahvalila je Ministarstvu privrede TK što je ušlo u ovaj projekat. „**Mi smo došli sa idejom da ovu digitalnu transformaciju implementiramo u razvoj seoskog i agroturizma jer kao što znate Farma „Milo Selo“ se nalazi na području našeg grada i mi želimo da razvijemo ruralni turizam i razbijemo famu da je Lukavac industrijski grad, da su svi prihodi vezani za industriju. Također, želimo da primijenimo u našem komunalnom preduzeću digitalnu transformaciju u poboljšanju usluga vodo snabdijevanja jer smo već u fazi pripreme projekta za izgradnju fabrike pitke vode Lukavac“,** kazala je Tahirović.

U prethodnim projektnim aktivnostima koje je TK realizovao sa međunarodnim partnerima pokazana je ozbiljnost, potreba za projektima u oblasti digitalne transformacije pa je Tuzlanski kanton prepoznat kao rastuća regija koja se može uključiti u ovu aktivnost, naglašeno je ovom prilikom. Tokom implementacije SYSTEMEU projekta, planirano je finansiranje i realizacija međuregionalnih pilot projekata, organizacija studijskih posjeta i godišnjih SYSTEMEU samita sa ciljem jačanja saradnje i transfera znanja između partnerskih regija.

Odjeljenje za informisanje



Iz grada Tuzle...

Tuzla primjer održivog energetskeg razvoja

Gradonačelnik Lugavić razgovarao s predstavnicima energetskeg sektora



U Gradskoj upravi Tuzle, održan je radni sastanak gradonačelnika Tuzle, dr. sc. Zijada Lugavića, s federalnim ministrom energije, rudarstva i industrije, Vedranom Lakićem, generalnim direktorom Energoinvesta d.d. Sarajevo, Mirzom Ustamujićem, predsjednikom Uprave Operatora – Terminali Federacije d.o.o. Sarajevo, Damirom Krešom, te profesionalnim savjetnikom BH Gasa d.o.o., Jasminom Salkićem. Razgovarano je o aktuelnim i planiranim projektima u oblasti energetike, s posebnim naglaskom na unapređenje energetske efikasnosti. Grad Tuzla već dugi niz godina uspješno provodi projekte usmjerene na smanjenje potrošnje energije i emisije štetnih gasova, te se pozicionira kao jedan od vodećih gradova u oblasti energetske tranzicije u Bosni i Hercegovini. Učesnici

sastanka izrazili su podršku ovim inicijativama naglašavajući značaj ulaganja u održive, inovativne i ekološki odgovorne projekte. Direktor Energoinvesta, Mirza Ustamujić, istakao je kako je posjeta Tuzli prilika za razmjenu ideja i uspostavljanje saradnje, te da Tuzla predstavlja pozitivan primjer lokalne zajednice koja aktivno implementira principe održivog razvoja. Gradonačelnik Lugavić zahvalio je ministru Lakiću i predstavnicima energetskeg sektora na posjeti i interesovanju, naglasivši spremnost Grada Tuzle da, kroz partnerski pristup, nastavi s realizacijom projekata koji doprinose zelenoj i održivoj budućnosti.

Grad Tuzla

Očekivanja još boljih pokazatelja...

Bolji rezultati MAT-a

MAT u augustu zabilježio 42.087 putnika - Do kraja augusta aerodrom je opslužio ukupno 216.943 putnika



U augustu ove godine kroz Međunarodni aerodrom Tuzla prošlo je 42.087 putnika, što predstavlja rast od 86,7 posto u odnosu na isti mjesec 2023, kada je zabilježeno 22.538 putnika. Ipak, rezultat je i dalje za oko 40 posto slabiji nego 2022. godine, kada je evidentirano 70.088 putnika, piše zamaaero. Od januara do kraja augusta aerodrom je opslužio ukupno 216.943 putnika, čime je premašen ukupan broj putnika ostvaren tokom cijele prethodne godine. S obzirom na najavljeni povratak baze Wizz Aira krajem godine, procjene su da bi Tuzla do kraja 2024. mogla ostvariti više od 300.000 putnika, a u optimističnijem scenariju i približno 350.000.



Novosti iz Wizz Aira i MAT-a...

Wizz Air ponovno otvara avio bazu u Tuzli

Devet novih linija



Wizz Air vraća avio bazu u Tuzlu s 9 novih ruta i Airbus A321neo avionima, jačajući povezivost i razvoj turizma u BiH. Wizz Air ponovno otvara avio bazu u Tuzli, objavljeno je to na današnjoj konferenciji za medije, upriličenoj na Međunarodnom aerodromu Tuzla. Ova vijest jedan je od najznačajnijih događaja u oblasti aviosaobraćaja u Bosni i Hercegovini i rezultat je intenzivnih aktivnosti Vlade Tuzlanskog kantona, Ministarstva trgovine, turizma i saobraćaja TK i samog Međunarodnog aerodroma Tuzla. Uspjeh se temelji na višegodišnjim naporima, provedbi brojnih kapitalnih investicija i konačnom završetku infrastrukturnih projekata koji su omogućili stvaranje potrebnih preduslova za povratak najveće evropske niskobudžetne aviokompanije u našu zemlju.

“Danas s ponosom svjedočimo povratku Wizz Aira u Tuzlu. Ovo nije samo povratak jedne aviokompanije, već potvrda da su zajednički naponi i ulaganja Vlade Tuzlanskog kantona i naših partnera urodili plodom. Posebno želim naglasiti značaj infrastrukturnih projekata koji su realizirani na Međunarodnom aerodromu Tuzla: izgradnja aerodromskog atrija, novog gate-a, uređenje i modernizacija parking prostora ispred Aerodroma, te konačno rješavanje pitanja krčenja šume na prilazu pisti. Ovaj posljednji projekt, uz svjetla na poletno/sletnoj pisti, od presudne je važnosti jer je stvorio preduslove za izgradnju prilazne rasvjete i značajno povećava stepen bezbjednosti, posebno u uslovima smanjene vidljivosti. Uz to, Vlada Tuzlanskog kantona je izdvojila 1,2 miliona KM subvencija upravo za subvencioniranje letova, a ta mjera je značajno doprinijela i ubrzala povratak ove aviokompanije u tuzlansku zračnu luku”, rekao je danas premijer Tuzlanskog kantona, Irfan Halilagić.

Govoreći na konferenciji za medije, Roland Tischner, generalni direktor Wizz Air Hungary, nije krio oduševljenje što je Wizz Air vratio bazu u Tuzli, tačno deset godina nakon prvog dolaska u ovaj grad.

“Ponovno otvaranje baze, uz podršku dodjele dva najsavremenija aviona Airbus A321neo, predstavlja važnu prekretnicu u našem kontinuiranom rastu u Bosni i Hercegovini,

čineći Wizz Air najvećom aviokompanijom u zemlji. Ovaj razvoj ne samo da unapređuje povezanost iz Tuzle, već i učvršćuje našu dugoročnu strategiju pružanja ultra-niskih cijena za sve širu mrežu evropskih destinacija. Radujemo se što ćemo putnike dočekati na našim novim i postojećim letovima iz ove obnovljene baze. Let's WIZZI!”, kazao je Tischner ističući da se od decembra uvode linije Keln (Cologne), Hamburg, Maastricht (Maastricht) i Malmö (Malmö), a od marta iduće godine za Berlin Brandenburg, Frankfurt Hahn, Getenburg (Gothenburg Landvetter), Larnaka (Larnaca) i Paris Beauvais. Uz to najavljeno je i povećanje frekvencije postojećih aviolinija.



Na značaj povratka Wizz Aira osvrnuo se i Dževad Halilčević, generalni direktor Međunarodnog aerodroma Tuzla. “Međunarodni aerodrom Tuzla s ponosom objavljuje povratak baze Wizz Aira, što je rezultat dugogodišnje poslovne saradnje i posvećenosti aerodroma infrastrukturnom razvoju, te predstavlja izuzetno značajno poslovno dostignuće. Ovaj strateški korak dodatno jača ulogu Međunarodnog aerodroma Tuzla, pozicionirajući ga ne samo kao ključni aerodrom u Bosni i Hercegovini, već i kao važan pokretač ekonomskog rasta Tuzlanskog kantona i šire regije. Obnovljena baza Wizz Aira donosi nova radna mjesta, pruža vitalnu podršku razvoju turizma i dodatno učvršćuje Tuzlanski kanton kao centar poslovanja i investicija. Ponosni smo što smo dio ovog strateškog iskoraka naprijed za Tuzlanski kanton i Bosnu i Hercegovinu, te zajedno s Wizz Airom gradimo mostove koji će služiti i sadašnjim i budućim generacijama”.

Ponovno otvaranje baze Wizz Aira, uz dodjelu dva najsavremenija aviona Airbus A321neo, omogućit će uspostavljanje devet novih ruta ka Njemačkoj, Francuskoj, Nizozemskoj, Švedskoj i Kipru, te povećati ukupnu ponudu na 17 destinacija. Ovaj događaj potvrđuje da se Međunarodni aerodrom Tuzla, zahvaljujući snažnoj podršci Vlade Tuzlanskog kantona, realizaciji kapitalnih investicija i strateškim mjerama subvencioniranja letova, vraća an svoju poziciju drugog po značaju aerodroma u našoj zemlji, ali i značajnog faktora razvoja turizma i ekonomije šire regije.

D.K.



Sajamske aktivnosti...

„Privreda TK“ na sajmu u Gradačcu

52. Međunarodni sajam poljoprivrede i
prehrambene industrije

U Gradačcu je održan 52. Međunarodni sajam poljoprivrede i prehrambene industrije – Sajem šljive. Ove godine se na oko 5000 metara kvadratnih u četiri sajamska dana, predstavilo više od 150 izlagača iz Bosne i Hercegovine, zemalja regiona, Njemačke i Turske. Organizator ove tradicionalne sajamske manifestacije bila je Turistička zajednica grada Gradačca, uz podršku Grada Gradačca i brojnih partnera i sponzora.

Na sajamskoj manifestaciji koja je među najstarijima u našoj zemlji, predstavile su se renomirane kompanije u oblasti proizvodnje i prerade hrane, zaštitnih sredstava, mehanizacije i opreme, institucije i organizacije koje podržavaju razvoj agrara te bankarski sektor. Nisu izostale ni kolektivne izložbe gradova partnera, privrednih i obrtničkih komora te turističkih zajednica i drugih organizacija. Organizator je pripremio niz privrednih i naučno-stručnih skupova na kojima je važno mjesto posvećeno inovacijama, razmjeni znanja i istraživanja u oblasti poljoprivrede. Govoreno je o savremenim pristupima u ishrani i zaštiti voća, inovacijama u navodnjavanju u doba klimatskih promjena, mjerama za bolje skladištenje i očuvanje plodova. Predstavljena su prisutna rješenja u digitalizaciji bosnaskohercegovačke poljoprivrede. Sajem šljive u Gradačcu bio je prilika da se osim naučnih prezentuju i nova tehnološka



dostignuća u oblasti poljoprivrede. Ponovo je istaknuto kako će ova i slična tehnološka dostignuća u budućnosti biti veoma značajna zbog nedostatka radne snage i slabljenja interesa za bavljenje agrarom. Na 52. sajmu poljoprivrede i prehrambene industrije dodjeljene su medalje za kvalitet Sajma šljive, održana je 1. takmičarska izložba mliječnih pasmina. Udruženje pčelara „Pčela“ Gradačac organizovalo je 8. sajam pčelarstva sa međunarodim učešćem na kojem su uručeni pehari za najbolje ocjenjene medove. Ovogodišnji Sajem šljive otvorio je premijer TK Irfan Halilagić. Svečanu vrpcu presjekli su premijer Irfan Halilagić, Kemal Hrnjić ministar poljoprivrede, vodoprivrede i šumarstva FBiH, Hajrudin Mehanović gradonačelnik Gradačca i Indira Omeragić direktorica MI99, kompanije koja je oficijlni sponzor Sajma. Ni ova sajamska manifestacija nije mogla proći bez prisustva firmi članica Kantonalne privredne komore Tuzla, njih oko četrdeset, okupljene i predstavljene u okviru zajedničke postavke pod nazivom „Privreda TK“. Tradicionalna je to aktivnosti i način predstavljanja svojih članica, njihovih proizvoda i usluga, koje Komora realizuje uz svesrdnu pomoć Vlade Tuzlanskog kantona.

Sajamske aktivnosti...

„Privreda TK“ na sajmu u Modriči

“Sajam privrede Modriča 2025”



U Modriči je održan “Sajam privrede Modriča 2025” na kome je proizvode i usluge izložilo oko 200 privrednika i organizacija iz Republike Srpske, Federacije BiH, Srbije, Hrvatske, Slovenije, Turske i Kine. I ova sajamska manifestacija postaje tradicija za Kantonalnu privrednu komoru Tuzla, tačnije, za firme članica Komore Tuzla. U Modriči ih je oko dvadesetpet činilo zajedničku postavku pod nazivom “Privreda TK”, a što je izvanredna prilika za promociju proizvoda i usluga u okviru zajedničke postavke koju organizuje Komora a koju, također sada već tradicionalno, podupire Vlada Tuzlanskog kantona. Na ovom sajamskom događaju nije bio federalni ministar Hrnjić ali jeste Jovica Radulović načelnik opštine Modriča. One je otvorio dvodnevnu sajamsku manifestaciju koja se u Modriči organizuje od 2010. godine. “Izražavam zadovoljstvo brojem izlagača i raznovrsnom ponudom privrednika, malih preduzetnika, poljoprivrednika i u oblasti turizma. Sajam je navažnija, tradicionalna manifestacija u Modriči koja iz godine u godinu bilježi povećanje broja izlagača”

rekao je Radulović otvarajući manifestaciju u dvorani Kulturno-sportskog centra Modriča. Radulović je naveo da je jedan od ciljeva Sajma povezivanje privrednika, privrednih udruženja, privrednih komora, sa ciljem razmjene novih tehnologija i znanja, kao i prezentacija novih proizvoda i usluga. Snježana Vujić, direktorica Razvojne agencije Modriča, organizatora manifestacije, naglasila je da su održavanje sajma i ove godine, uz lokalnu upravu Modriče podržali modrički privrednici, preduzetnici i poljoprivredni proizvođači. “Na 1.000 metara kvadratnih zatvorenog izložbenog prostora, danas i sutra biće izloženi proizvodi iz oblasti prehrambene, hemijske, drvne, metalske, poljoprivredne, kožarske, tekstilne i auto-industrije, te pružaoci usluga iz oblasti zdravstva, informacionih tehnologija, komunikacija i finansija” rekla je direktorica Vujić, jedna od najzaslužnijih osoba za obezbjeđenje prostora i mogućnost predstavljanja proizvoda i usluga članica Kantonalne privredne komore Tuzla.



Sajamske aktivnosti...

Privreda TK na sajmu “Ekobis” u Bihaću

21. međunarodni sajam ekologije “Ekobis 2025”

U Bihaću je održan 21. međunarodni sajam ekologije “Ekobis 2025”. Još jedna uspješna sajamska manifestacija u organizaciji Privredne komore Unsko-sanskog kantona. Organizatori ističu i važan segment a to je podrška organizaciji pa se navodi da je generalni pokrovitelj sajma Vlada Unsko-sanskog kantona i Ministarstvo privrede USK, dok je Grad Bihać partner i suorganizator. Podršku pruža i Vlada Federacije BiH kroz tri resorna ministarstva – poljoprivrede, vodoprivrede i šumarstva, okoliša i turizma te obrta, poduzetništva i razvoja. Upravo, kako su složni u podršci Sajmu, zajednički su i otvorili ovu 21. sajamsku manifestaciju u Bihaću Kemal Hrnjić federalni ministar poljoprivrede, vodoprivrede i šumarstva, Nijaz Hušić premijer Unsko-sanskog kantona, Elvedin Sedić gradonačelnik Bihaća, te Armin Kardašević ministar privrede USK.

“Prirodne resurse moramo zaštititi – odlučno, sistemski i bez kompromisa. Naš je zadatak da čistu Unu i Sanu, plodna tla, šume i izvore očuvamo i za buduće generacije. Nelegalno izgrađeni objekti na vodozaštitnim područjima, neadekvatno zbrinjavanje otpada i zanemarivanje zakona ne mogu i ne smiju imati svoje mjesto u odgovornom društvu. Poljoprivreda, vodoprivreda i ekologija nisu odvojeni sistemi – to su karike istog lanca. Ako pukne jedna, trpe sve. Ovdje ne govorimo samo o tehnologiji i tržištu, već o viziji – viziji razvoja koji ne iscrpljuje, već obnavlja, viziji koja spaja čovjeka i prirodu. Zato je EKOBIS važno mjesto susreta i zato je Vlada Federacije BiH kroz tri federalna ministarstva ove godine pružila podršku organizaciji ovog sajma. Federalno ministarstvo poljoprivrede, vodoprivrede i šumarstva ostat će posvećeno upravo takvom pristupu: partnerskom, održivom i zakonitom. Jer zaštita okoliša nije trošak, to je ulaganje u našu sigurnost, zdravlje i budućnost”, poručio je Kemal Hrnjić, federalni ministar poljoprivrede, vodoprivrede i šumarstva.

Nijaz Hušić premijer Unsko-sanskog kantona naglasio je važnost sajma za lokalnu zajednicu i privredu: **“Ovo je jedinstvena prilika da se susretnemo s našim privrednicima, razmijenimo ideje i razgovaramo o konkretnim projektima. Vjerujem da će tokom EKOBIS-a biti mnogo susreta privrede, politike i javnog života, sve u interesu građana i razvoja Unsko-sanskog kantona. Želimo ga prikazati kao otvoren kanton za sva ulaganja, baš onako kako to i promovise EKOBIS”.**

Armin Kardašević ministar privrede USK naglasio je da EKOBIS ima i edukativni karakter, jer se bavi aktuelnim globalnim trendovima. **“Prepoznali smo značaj manifestacija na kojima privrednici imaju priliku uspostaviti nove kontakte i poslovne veze. Ove godine poseban fokus je na zelenoj tranziciji i dekarbonizaciji, što je obaveza prema EU direktivama i naša budućnost”,** kazao je Kardašević. Na ceremoniji otvaranja sajma, obratio se i Ahmet Egrić predsjednik Vanjskotrgovinske komore BiH: **“Unsko-sanski kanton ima značajan potencijal u izvoznim sektorima. Važno je da možemo vidjeti ponudu privrede USK, ali i gostiju sajma. I pored prošlogodišnjeg pada izazvanog recesijom u EU, u prvih šest mjeseci ove godine bilježimo oporavak i rast potražnje za našim proizvodima, posebno u elektrometalnom sektoru i autoindustriji. USK definitivno ima šta ponuditi, a ovakvi sajmovi to najbolje potvrđuju”,** predsjednik izjavio je Egrić.



Kantonalna privredna komora Tuzla je nastavila dugogodišnju tradiciju predstavljanja svojih članica na ovoj značajnoj sajamskoj manifestaciji pripremom zajedničke izložbene postavke pod nazivom “Privreda TK”, a uz značajnu podršku Vlade Tuzlanskog kantona. Zajedničku postavku je ove godine činilo nešto više od trideset firmi članica Komore koje su predstavile svoje proizvode i usluge. Jedan je ovo u nizu značajnih sajamskih događaja na kojima se predstavlja privreda Tuzlanskog kantona a na ovogodišnjem sajmu na 115 štandova, predstavljeno je 210 izlagača i suizlagača na proširenom sajamskom prostoru.



U okviru pratećih aktivnosti drugog dana sajamske manifestacije, organizovana je diskusija pod nazivom „Srednje stručno obrazovanje za održivost: Uloga zelenih i digitalnih vještina u razvoju privrede“. Organizatori ovog događaja bili su Privredna komora Unsko-sanskog kantona i Deutsche Gesellschaft für Internationale Zusammenarbeit (GIZ) a s ciljem poticanja dijaloga o unaprijeđenju srednjeg stručnog obrazovanja u kontekstu zelene i digitalne tranzicije.

„Privreda TK“

Značajan broj firmi članica Kantonalne privredne komore Tuzla sačinjava zajedničku izložbenu postavku pod nazivom “Privreda TK”. Na sajmovima u Gradačcu, Modriči i Bihaću svoje usluge i proizvode predstavili su:

„Fana“ Srebrenik, „Mlin Nezić“ Gradačac, „Solana“ Tuzla, „TQM“ Lukavac, „Lović & Co“ Lukavac, „Imel – Milo selo“ Lukavac, „Eko život“ Tuzla, „Finra“ Tuzla, Hotel “Tehnograd” Tuzla, Hotel “Vertigos” Tuzla, “Borplastika” Tuzla, “Radius Gračanica”, “Corn flips” Srebrenik, “Cydonia” Gračanica, Turistička agencija “Golden tours” Tuzla, Turistička agencija “Transturist” Tuzla, Turistička zajednica TK, Turistička zajednica Grada Tuzla, “Piemonte” Tuzla, “Lerim” Lukavac, “Aronija Okanović” Tuzla, “Adriatic osiguranje” Tuzla, “Euroherz osiguranje” Tuzla, “Triglav osiguranje” Tuzla, “Pašnjak” Tuzla, “Nova Banka” Banjaluka PJ Tuzla, “Annoa” Tuzla, “Azos” doo Tuzla, “MiBospo” Tuzla, “Porta Naturae” d.o.o. Srebrenik, JKP “Pannonica” d.o.o. Tuzla, UR Etno Restoran “Bardak” Đurdevik, Grupacija pčelara TK, Grupacija gljivara TK, “Alpha smart energy” Tuzla, “Grin” Gračanica, “MamaMia” Tuzla, “Kupres Milch” Kupres, “Juta torbice” Ilidža, Domaćinstvo “Đukarić” Teslić, “Aktivus” UG Tuzla, “Senad od Bosne” Lukavac, “Guber” Tuzla, “Cofi” Kalesija, “Terme Ozren” Gračanica, OR “Api riznica”

Pripremio: Dino Kalesić



Najava sajamskih manifestacija...

Brčko: Sajam privrede od 15. do 17.10.

19. Međunarodni sajam privrede



Sajam privrede se vratio u Brčko! Ove godine organizujemo 19. Međunarodni sajam privrede Brčko distrikta BiH 2025, događaj koji okuplja poslovne ljude, izlagače i partnere iz zemlje i inostranstva, pružajući jedinstvenu priliku za promociju proizvoda i usluga, razmjenu iskustava i uspostavljanje novih poslovnih kontakata. Sajam se održava u periodu od 15. do 17. oktobra 2025. godine na adresi Bijeljinska 74. Brčko distrikt BiH, koji se pokazao kao idealna lokacija za ovakvu manifestaciju. Organizator Sajma je Privredna komora Brčko distrikta BiH, uz pokroviteljstvo Vlade Brčko distrikta BiH i podršku brojnih domaćih i međunarodnih partnera. Sajam je prepoznat kao jedan od najznačajnijih privrednih događaja u regionu, a ovogodišnje izdanje donosi bogat program, B2B susrete, promociju inovacija i nove poslovne mogućnosti. Molimo Vas da na vrijeme rezervišete svoje mjesto putem prijave. Za više informacija, posjetite web stranicu: www.brcko-pkomora.com. Budite slobodni da nas kontaktirate za sva dodatna pitanja. Vaše učešće doprinosi stvaranju novih vrijednosti i potvrđuje da je Brčko distrikt BiH – jedinstvena razvojna prilika.

Privredna Komora Brčko distrikta BiH

Prolongiran 11. sajam privrede u Sarajevu

Građevinsko-tehnički radovi s ciljem osavremenjavanja i modernizacije prostora



“Obavještavamo vas da će u narednim mjesecima u pojedinim sportskim, sajamsko-izložbenim pratećim prostorima Centra “Skenderija”, odvijati se građevinsko-tehnički radovi s ciljem osavremenjavanja i modernizacije prostora. Dajući prioritet unaprijeđenju uslova za još kvalitetnije pružanje usluga svim korisnicima, donijeli smo odluku da prolongiramo održavanje “11. sajma privrede - Infrastruktura kvalitete”, koji je bio planiran u periodu od 13 do 15. novembra. Zahvaljujemo se na dosadašnjoj podršci i sradnji u vezi s organizacijom sajma, te se nadamo nastavku i još uspješnijoj saradnji prilikom realizacije istog u novom terminu, o kojem ćemo vas blagovremeno obavijestiti”, navodi se u saopštenju i KPJ Centar “Skenderija” doo Sarajevo

D.K.



Najava sajamskih manifestacija...

Beograd: 61. sajam namještaja, 8-12.10.

Prilika za predstavljanje kompletne drvne industrije



Međunarodni sajam namještaja, opreme i unutrašnje dekoracije (UFI) je najvažniji događaj u regionu jugoistočne Evrope u sferi dizajna, proizvodnje i distribucije namještaja. Kao vodeća sajamska manifestacija u industriji namještaja i pridruženim privrednim granama predstavlja regionalno središte za sajamsku promociju i razvoj domaćih i međunarodnih brendova i pruža reprezentativan uvid u najnovije trendove, inovacije, dizajn i napredne tehnologije u ovoj značajnoj privrednoj djelatnosti. Na takav način vrši pozitivan uticaj, čini vidljivijom i promoviše i lokalnu i regionalnu industriju, podstiče inovacije i kreativnost, diže na viši nivo obrazovanje i stručni razvoj, a posredno promovišući

turizam doprinosi i očuvanju lokalnog identiteta. Pored izložbenog dijela, svim učesnicima se nude i brojni paralelni programi – stručna predavanja i panel diskusije i radionice o trendovima u dizajnu enterijera, upotrebi određenih materijala ili tehnikama uređenja prostora. Česte su prezentacije renomiranih dizajnera namještaja i stručnjaka iz industrije koji dijele svoje znanje i iskustvo sa posjetiocima. Neizostavna su i takmičenja i nagrade u oblasti dizajna namještaja. Šlag na torti ove manifestacije su prestižne nagrade Zlatni ključ i Sajamski ključ, koje Beogradski sajam dodjeljuje najinovativnijim i najuspješnijim izlagačima. Ova priznanja sve dobitnike i nominovane stavljaju u međunarodni kontekst i pripisuju im epitet izuzetnosti i upečatljivosti. Svi oni zajedno – proizvođači, distributeri, dizajneri, trgovci, investitori, arhitekte, poslovni kupci i javnost – imaju priliku ne samo da se upoznaju sa najnovijim proizvodima i trendovima u industriji namještaja, nego i da uspostave poslovne kontakte, da pregovaraju o saradnji, zaključe poslovne sporazume i ostvare prodaju, da iskoriste izvanrednu platformu za umrežavanje i promociju poslovnih aktivnosti u industriji nameštaja. Istovremeno kada i Sajam namještaja, održava se Međunarodni sajam mašina i alata za drvnu industriju, kompatibilna sajamska manifestacija koja svojim izvanrednim i obimnim sadržajem doprinosi razumijevanju i razvoju proizvođačkog segmenta kompleksne industrije namještaja. 61. po redu **Sajam će u okviru Beogradskog sajma biti održan od 8. do 12. oktobra.**

Beograd: 19. sajam etno hrane i pića, 4-7.12.

19. sajam etno hrane i pića 4 – 7. decembar 2025. godine



Regionalna smotra prehrambenih proizvoda namjenjenih tržištu, pripremljenih po tradicionalnim receptima, na tradicionalni način, Sajam etno hrane i pića, biće održan po 19. put u Beogradu. Najstarija je to i najkompletnija smotra proizvoda i proizvođača tradicionalnih prehrambenih proizvoda u Srbiji i regionu Jugoistočne Evrope. Riječ je o nacionalnim specijalitetima, proizvodima karakterističnim za uža geografska područja, najčešće ručne izrade i od organski gajenih sirovina. Manifestacija afirmiše tradicionalne proizvode kao prvorazredne tržišne i izvozne artikle, koji treba da postanu i nezaobilazni element turističke ponude. Radi se o proizvodima sa zaštićenim geografskim porijeklom ili onima čija se zaštita preporučuje. Cilj je utemeljenje robne marke etno proizvoda, odnosno brendiranje tradicionalnih proizvoda. Sajam će biti održan od 4.

do 7. decembra 2025. godine. Organizator je Beogradski sajam. Pokrovitelji sajma su Ministarstvo poljoprivrede, šumarstva i vodoprivrede RS i Grad Beograd.

Za sve dodatne informacije: tel: +381 11 2655-317, 2655-270, e-mail: etnohrana@sajam.rs.

Više informacija i PRIJAVA NA https://etnohip.rs/sr_lat/prijavni-materijal/

Kontakt osoba: Aleksandra Milosavljević koordinator projekta.

Kantonalna privredna komora Tuzla će i ove godine biti sastavni dio i ove značajne sajamske manifestacije.

D.K.



Poljaci u posjeti Tuzlanskom kantonu...

Partneri Rudnika soli kod premijera

Delegacija kompanije „Solino“ iz Poljske u posjeti Rudniku soli „Tuzla“ i Vladi TK



Premijer Tuzlanskog kantona Irfan Halilagić je primio u posjetu delegaciju kompanije Solino, koju je predvodio generalni direktor Kotlarek Wojciech. Kompanija Solina član je Orlen grupacije iz Inowrocław-a (Republika Poljska), i dugogodišnji je partner Rudnika soli „Tuzla“ u oblasti rudarstva i industrijskog razvoja. Kompanija „Solino“ upravlja sa dva rudnika soli, u Góri i Mogilnu, čime zauzima poziciju najvećeg proizvođača slane vode u Poljskoj. Tokom posjete istaknut je značaj višedecenijske međunarodne saradnje, kao i potreba njenog daljeg jačanja kroz razmjenu iskustava i planiranje budućih projekata.

Domaćin radne posjete bio je direktor Rudnika soli „Tuzla“ d.d. Tuzla, Nermin Baluković, a razgovori su dodatno osnažili postojeće veze i otvorili mogućnosti za nove oblike saradnje.

Premijer Tuzlanskog kantona Irfan Halilagić ovom prilikom je istakao napore koje Vlada kontinuirano ulaže u stabilizaciju i unapređenje poslovanja Rudnika soli „Tuzla“:

„Rudnik soli nije samo privredno društvo od strateškog značaja za Tuzlanski kanton, nego i simbol našeg industrijskog identiteta i tradicije. U proteklom periodu Vlada je uložila značajne napore da stabilizuje poslovanje Rudnika, a istovremeno smo stvorili preduslove za njegov snažniji razvoj u narednim godinama. Današnja posjeta naših prijatelja iz Poljske, koji također baštine ogromnu tradiciju iskopavanja soli i rudarstva uopće, potvrđuje da se naš i rad prepoznaje i van granica Bosne i Hercegovine, što nam otvara vrata za proširenje partnerstva i nove zajedničke projekte.“

Direktor Rudnika soli „Tuzla“ d.d. Tuzla, Nermin Baluković, zahvalio se Vladi Tuzlanskog kantona i partnerima iz Poljske na podršci i naglasio značaj posjete:



„Za Rudnik soli i naše uposlenike ova posjeta ima višestruki značaj. Ona potvrđuje da je naše znanje i iskustvo prepoznato u međunarodnim okvirima, ali i da se trud koji ulažemo u očuvanje i modernizaciju proizvodnje cijeni i od strane naših partnera. Uvjeren sam da će razgovori koje smo vodili otvoriti vrata novim projektima i dodatno osigurati stabilnu i perspektivnu budućnost Rudnika“, kazao je Baluković.

Vlada Tuzlanskog kantona, kao institucija koja upravlja Rudnikom soli „Tuzla“, ovu posjetu ocjenjuje kao važan korak u daljem jačanju međunarodne saradnje i afirmaciji Tuzlanskog kantona kao prostora otvorenog za investicije, razmjenu znanja i zajednički razvoj.

U ime kompanije Solino prijemu su, osim direktora Wojciech-a, prisustvovali i finansijski direktor Ernest Bednardwicz, te Rafat Glamowski i Stanislaw Branka.

Odjeljenje za informisanje



Iz Vlade Tuzlanskog kantona...

Počinje realizacija mega ekološkog projekta u TK, uskoro tender

Pokrenut tender za energetske obnovu 102 javna objekta u TK, vrijednu 17,4 miliona KM, uz očekivane uštede energije od najmanje 30%



Vlada Tuzlanskog kantona podržala je Informaciju o toku aktivnosti na realizaciji projekta „Program energetske obnove zgrada javne namjene u nadležnosti Tuzlanskog kantona“, te zadužila Ministarstvo prostornog uređenja i zaštite okolice da sa odabranim konsultantom i uz saglasnost i po pravilima Evropske banke za obnovu i razvoj (EBRD), objavi tender za 102 objekta prve faze u sklopu navedenog projekta. Ovaj mega ekološki projekat za cilj ima implementaciju mjera energetske efikasnosti na javnim objektima u Tuzlanskom kantonu, a koji će, nakon implementacije mjera, ostvarivati energetske uštede od najmanje 30%. Ukupna vrijednost ovih radova prve faze projekta procijenjena je na oko 17,4 miliona KM, a od odabranih 102 objekta, njih 92 su objekti obrazovnih ustanova u Tuzlanskom kantonu. Procijenjena vrijednost radova na obrazovnim objektima je skoro 14,5 miliona KM. Među objektima koji će biti energetske obnovljeni su i 4 policijska objekta u Kantonu, policijske uprave u Banovićima i Lukavcu, te policijske stanice u Sapni i Kladnju, Klinika za kožne i zarazne bolesti, Transfuziologija i zgrada Uprave Univerzitetskog kliničkog centra u Tuzli, Odjeljenje za zemljišno-knjižne poslove Općinskog suda u Živinicama, te Ministarstvo finansija, Ministarstvo pravosuđa i uprave i Ministarstvo unutrašnjih poslova Tuzlanskog kantona. Nakon završetka postupka nabavke za prvu fazu, zaključivanja ugovora sa odabranim izvođačima radova i evaluacije utrošenih sredstava za prvu fazu, Ministarstvo će dostaviti Informaciju o preostalom iznosu sredstava za 67 objekata druge faze.

Iz Ministarstva poljoprivrede, šumarstva i vodoprivrede...

TK ulaže 578.000 KM: Novi projekti u Doboj Istoku i Teočaku

Ministarstvo TK potpisalo ugovore za vodne projekte u Doboj Istoku i Teočaku vrijedne 578.000 KM, s ciljem boljeg vodosnabdijevanja



Ministar poljoprivrede, šumarstva i vodoprivrede Tuzlanskog kantona Fedahija Ahmetović potpisao je sa načelnikom općine Doboj Istok Kemalom Bratićem i načelnikom općine Teočak Tajibom Muminovićem ugovore o prijenosu sredstava za realizaciju infrastrukturnih projekata iz oblasti vodoprivrede. Radi se o projektima ukupne vrijednosti 578.189,79 KM koji su odobreni Programom ulaganja sredstava vodnih naknada u 2025. godini, a koji će značajno unaprijediti zaštitu od poplava, sistem odvodnje, te sigurnost i kvalitet vodosnabdijevanja u ovim lokalnim zajednicama. Na području općine Doboj Istok sredstva su opredijeljena za dva važna projekta: regulaciju potoka Šabinjača u MZ Klokotnica, za što je izdvojeno 143.216,31 KM, te rekonstrukciju potisnog cjevovoda od bunara NB-2 do rezervoara Kloteks, vrijednu 233.417,48 KM. Realizacijom ovih projekata riješit će se dugogodišnji problemi poplava i omogućiti stabilno vodosnabdijevanje za više mjesnih zajednica, kako u Doboj Istoku, tako i u Gračanici. Općina Teočak realizirat će dva projekta u vrijednosti 201.556 KM – izgradnju sanitarno-fekalnog kolektora kroz naselje Husići u MZ Snježnica (101.556 KM), te uvezivanje novog rezervoara „Donje zone“ u lokalni vodovodni sistem (100.000 KM). Ovim ulaganjima unaprijedit će se kanalizaciona mreža i osigurati efikasnija eksploatacija vode na području općine. „Ovi projekti pokazuju našu posvećenost da kontinuirano ulažemo u poboljšanje vodne infrastrukture i da direktno pomažemo lokalnim zajednicama u rješavanju konkretnih problema građana. Samo zajedničkim pristupom možemo osigurati sigurnu budućnost, kvalitetnije uslove života i odgovorno upravljanje vodnim resursima“, istakao je ministar Fedahija Ahmetović. Važno je napomenuti da je ukupna vrijednost kantonalnih investicija koje se ove godine realiziraju u oblasti vodoprivrede na području Tuzlanskog kantona skoro 5 miliona KM, što predstavlja snažan iskorak u razvoju i unapređenju komunalne infrastrukture.

D.K.



Iz Vlade TK..

Rast broja zaposlenih u trgovini

Skoro 19% ukupno zaposlenih u FBiH iz TK



Vlada Tuzlanskog kantona je prihvatila Informaciju o stanju trgovačke djelatnosti na području Tuzlanskog kantona u 2024. godini. Prema podacima iz najnovijeg izvještaja Ministarstva trgovine, turizma i saobraćaja TK, tokom 2024. godine zabilježen je blagi pad broja registrovanih subjekata u odnosu na prethodnu godinu, ali je istovremeno zabilježen i blagi porast broja zaposlenih u oblasti trgovine za 2,87% u odnosu na 2023. godinu. Ukupna vrijednost izvoza Tuzlanskog kantona u 2024. godini iznosila je skoro 2,2 milijardi KM (2.219.939.000), što je manje za 14,25% u odnosu na 2023. godinu. Najviše robe izvezeno je u Austriju, Njemačku, Hrvatsku, Srbiju, Sloveniju, Italiju, Nizozemsku, Mađarsku, Poljsku i Norvešku. U svim kategorijama proizvoda je došlo do smanjenja izvoza izuzev kod kategorija „hrana i životinje“ i „piće i duhan“. Najznačajniji pad izvoza od preko 40% je u kategoriji mineralna goriva, maziva i srodni proizvodi. Privredni subjekti u Tuzlanskom kantonu tokom 2024. godine uvezli su robe u vrijednosti nešto većoj od 2,86 milijardi KM (2.826.974.000 KM), što je za 1,27% manje nego u 2023. godine. Posmatrajući vanjskotrgovinski bilans u 2024. godini najveći spoljnotrgovinski suficit imamo sa Austrijom, dok je sa Srbijom izražen najveći deficit. Najznačajnija promjena se desila u spoljno-trgovinskim odnosima sa Srbijom jer smo iz dugogodišnjeg pozitivnog bilanasa prešli u najveći negativni spoljnotrgovinski bilans. Sve navedeno ukazuje da je spoljnotrgovinski deficit u 2024. godini iznosio nešto više od 600 miliona KM (607.035.000 KM), odnosno da je pokrivenost uvoza izvozom 78,53%, što je manje u odnosu na 2023. godinu kada je pokrivenost uvoza izvozom bila 90,4%.

Više noćenja, duži boravci i nova prilika za razvoj

Vlada Tuzlanskog kantona prihvatila je Informaciju o stanju turističko - ugostiteljske djelatnosti na području TK u 2024. godini



Na 21. redovnoj sjednici Vlada Tuzlanskog kantona prihvatila je Informaciju o stanju turističko - ugostiteljske djelatnosti na području TK u 2024. godini Ministarstva trgovine, turizma i saobraćaja. Uprkos izazovima s kojima se sektor suočavao tokom 2024. godine, turističko-ugostiteljska djelatnost u Tuzlanskom kantonu bilježi pozitivne pomake. Broj ostvarenih noćenja porastao je za 11,29%, dok je prosječna dužina boravka turista povećana sa 2,36 na 2,66 dana, što jasno potvrđuje rastuću atraktivnost Kantona kao turističke destinacije. Najveći broj dolazaka i noćenja i dalje se bilježi u Gradu Tuzli, koji raspolaže sa čak 65% soba i 67% ležajeva od ukupnih kapaciteta na području Kantona. Ipak, posebno se izdvaja i Grad Gradačac, zahvaljujući razvoju banjskog i zdravstvenog turizma koji privlači sve veći broj domaćih gostiju. Značajan izazov predstavljalo je ukidanje direktnih avio linija sa Međunarodnog aerodroma Tuzla, što se odrazilo na manji broj stranih turista. Međutim, sektor ugostiteljstva pokazao je znakove oporavka kroz povećanje broja zaposlenih po objektu i najvišu prosječnu neto plaću u oblasti ugostiteljstva u FBiH. Tuzlanski kanton učestvuje sa 4,18% u ukupnim noćenjima na nivou BiH i 5,95% na nivou Federacije, što ukazuje na veliki prostor za napredak. Preporuke usmjeravaju ka razvoju održivih i manje poznatih destinacija, te jačanju ponude kulturno-historijskog, zdravstvenog, ruralnog i eko turizma. Ministarstvo trgovine, turizma i saobraćaja TK najavljuje nastavak rada na jačanju institucionalne podrške, unapređenju infrastrukture, promociji kroz digitalne kanale i boljoj integraciji kantona u nacionalne i međunarodne tokove turizma.

D.K.



Iz firme članice Komore...

Zahvalnost resornom ministarstvu za podršku

Ministarstvo za trgovinu, turizam i saobraćaj TK pomoglo unaprijeđenje ponude kompleks "Muška voda" Kladanj



Ministarstvo za trgovinu, turizam i saobraćaj pri Vladi Tuzlanskog kantona nastavlja sa podrškom kvalitetnim idejama i projektima. Snažan podsticaj za unaprijeđenje turističke i razvoj privrede stigao je za kompleks "Muška voda" Kladanj. Podrška je usmjerena na sufinansiranje projekta uređenja dječijeg parka, Spa i Wellness centra. Nadležno ministarstvo je podržalo ove aktivnosti u iznosu od 29.006.76KM a po Odluci Vlade TK od 22.8.2023. godine. **"Zahvaljujući doprinosu Vlade TK odnosno resornog Ministarstva u realizaciji našeg projekta, značajno je obogaćena ponuda kompleksa Muška voda. Riječ je o sadržajima koji su namijenjeni najmlađoj populaciji i onima koji se aktivno ili rekreativno bave sportom, tu mislimo na Spa i Wellness centar. Prilika je ovo da se zahvalimo Vladi TK, Ministarstvu za trgovinu, turizam i saobraćaj na čelu sa ministrom Mustafom Šarićem, za razumijevanje naše ideje, podršku u realizaciji našeg projekta, kako na finansijskom tako i na svakom drugom planu. Nadamo se da će ova uspješna sradnja biti nastavljena i u narednom periodu"**, izjavio je Kasim Selimović vlasnik kompleksa "Muška voda" Kladanj.



Turizam u TK...

U Tuzlanskom kantonu samo jedan licencirani turistički vodič

Iako je više kandidata položilo stručni ispit, nisu podnijeli zahtjev za registraciju



Tuzlanski kanton je poznat po svojim turističkim potencijalima. Međutim, problem je što te potencijale skoro da nema ko predstaviti turistima. Na području Tuzlanskog kantona, zvanično, postoji samo jedan licencirani turistički vodič. Ipak, ima i onih koji ovaj posao obavljaju bez certifikata, u okviru turističkih agencija. U Kantona, u zvaničnom registru, postoji samo jedan licencirani vodič. Registrovan je još u maja 2021. godine. Iako je više kandidata položilo stručni ispit, ni jedan, osim njega, nije podnio i zahtjev za registraciju. Turistički vodiči mogu se prijaviti u lokalnim zajednicama. U Tuzli ih je nekoliko, kaže savjetnica u Turističkoj zajednici prof.dr. Merima Aljić, izvještava RTV TK. Samo jedan registrovani vodič u cijelom Kantonu dovoljan je signal da treba posvetiti više pažnje njihovom licenciranju, za posao koji obavljaju.

D.K.



Iz Ministarstva trgovine, turizma i saobraćaja...

Sufinansiranje izgradnje brzih punionica vozila s pogonom na električnu energiju

Potpisani ugovori sa privrednim društvima razvoja Federacije BiH 2021-2027. godina



Konkretni korake kada je u pitanju širenje brzih punionica vozila s pogonom na električnu energiju poduzelo je Ministarstvo trgovine, turizma i saobraćaja Tuzlanskog kantona potpisivanjem ugovora sa privrednim društvima „Edo-slad“ d.o.o. Gračanica i „Bingo“ d.o.o. Export-Import Tuzla. Riječ je o sufinansiranju projekata koje su ova dva privredna društva prijavili na javni poziv za raspodjelu namjenskih sredstava prikupljenih po osnovu naknade za obavljene tehničke preglede vozila. Inicijativa da se u cijeloj FBiH uspostavi mreža punionica na magistralnim i regionalnim cestama i njihovim čvorištima i raskrsnicama krenula je, prema riječima pomoćnika ministra za saobraćaj Tuzlanskog kantona Nenada Lukanovića, iz Ministarstva trgovine, turizma i saobraćaja Tuzlanskog kantona.

„Mi smo pioniri u FBiH kao resorno ministarstvo koje je krenulo u sufinansiranje projekata izgradnje električnih punionica na području TK jer smo vidjeli da je broj punionica na području kompletne BiH jako skroman. To je ukupno oko 300 punionica što je jako malo. Zbog toga, ali i atraktivnosti i korištenja električnih vozila od strane turista koji dolaze i odlaze iz BiH i koji tranzitiraju kroz našu zemlju, shvatili smo da je potrebno da na primarnoj mreži saobraćajnica TK pokušamo da obezbijedimo električne punionice kako bi potencijalni korisnici električnih vozila mogli da svojim vozilima nastave putovanje u željenom pravcu“, kazao je ovom prilikom Lukanović.

Ukupna vrijednost projekata iznosi 105.980,61 KM a udio sredstava resornog Ministarstva za oba projekta je 49.996,54 KM.

Prema riječima predstavnika Privredne komore FBiH Mirsada Jašarspahića, davno su prepoznali trend da je neophodno da se BiH jednim dijelom okrene elektromobilnosti jer to, između ostalog, predstavlja i jednu od obaveza ka Evropskoj uniji.

„Tuzlanski kanton je pionir u podršci ove vrste. Ja očekujem da će sada i drugi kantoni također preuzeti ovu praksu da pomognu privatnim kompanijama, privatnoj inicijativi“, kazao je Jašarspahić.

Srednjoročni plan Ministarstva trgovine, turizma i saobraćaja Tuzlanskog kantona, rečeno je ovom prilikom, je da se svake godine omogući sufinansiranje 4 do 5 punionica za javnu upotrebu.

Iz Ministarstva prostornog uređenja i zaštite okolice...

Obnova zgrada javne namjene

Održana prezentacija za privredna društva o načinima učešća u obnovi zgrada javne namjene



Vlada Tuzlanskog kantona putem Ministarstva prostornog uređenja i zaštite okolice Tuzlanskog kantona u saradnji sa EBRD-om provodi Program energetske obnove zgrada i javne namjene u nadležnosti Tuzlanskog kantona. Ministarstvo prostornog uređenja i zaštite okolice Tuzlanskog kantona organizovalo je prezentaciju za privredna društva iz sektora građevinarstva koji žele učestvovati na tenderu za Program energetske obnove zgrada i javne namjene u nadležnosti Tuzlanskog kantona iz kreditnih sredstava Evropske banke za obnovu i razvoj (EBRD). Ovom su prilikom konsultanti koje je angažovao EBRD upoznali privredna društva sa Programom, načinom apliciranja na javni poziv za dostavljanje ponuda za izvođenje radova po Programu, kao i o drugim pitanjima u vezi sa provođenjem Programa.



Statistika...

Sindikalna potrošačka korpa u BiH 3.541 KM

Prosječna plata pokriva tek 44% troškova



Sindikalna potrošačka korpa koju je Savez samostalnih sindikata Bosne i Hercegovine izračunao za mjesec august 2025. godine iznosila je 3.541,80 KM. Prosječna plata u Federaciji BiH za mjesec juni 2025. iznosila je 1.577 KM, što je posljednji podatak objavljen od Federalnog zavoda za statistiku. Minimalna plata prema Odluci Vlade FBiH je 1.000 KM. Pokrivenost Sindikalne potrošačke korpe prosječnom platom je 44,52 posto, a minimalnom platom 28,23 posto. Prilikom izračunavanja Sindikalne potrošačke korpe u obzir su uzeti prosječna plata isplaćena u Federaciji BiH, te minimalni troškovi života četvoročlane porodice koju čine dvije odrasle osobe i dva djeteta od kojih je jedno u srednješkolom a drugo u uzrastu osnovca. Samu potrošačku korpu čine sljedeće kategorije: prehrana 40,56 posto, stanovanje i komunalne usluge 13,35 posto, higijena i održavanje zdravlja 8,82 posto, obrazovanje i kultura 15,81 posto, odjeća i obuća 11,29 posto, prijevoz 4,52 posto i održavanje domaćinstva 5,65 posto.

U kategoriji prehrane su korištene cijene iz tri trgovačka centra za 86 artikala. Kad je riječ o higijeni i održavanju zdravlja, ubrojani su troškovi za deset stavki, a za stanovanje i komunalne usluge za šest, saopćeno je iz Saveza samostalnih sindikata BiH.

Odluka Vlade FBiH...

Cijene osnovnih proizvoda u FBiH ostaju zaključane do 31. decembra

Odluka se odnosi na 65 proizvoda



Vlada Federacije BiH je, na hitnoj sjednici na prijedlog Federalnog ministarstva trgovine, usvojila prijedlog izmjena Odluke o propisivanju mjere neposredne kontrole cijena određivanjem najviše razine cijena za pojedine proizvode, kojom se produžava važenje Odluke do 31. decembra ove godine.

Kako je izvijestilo Federalno ministarstvo trgovine, trenutna ekonomska situacija i rast cijena osnovnih životnih namirnica i higijenskih proizvoda i dalje značajno utječu na životni standard stanovništva, osobito najugroženijih kategorija. Odluka se odnosi na 65 proizvoda, a s dosadašnjeg popisa brisan je maslac zbog povećane i nestabilne nabavne cijene.

Cilj mjere je osigurati dostupnost osnovnih proizvoda po pristupačnim cijenama svim građanima, naročito u svjetlu inflacije koja je u junu iznosila 4,2 posto, a u julu 4,5 posto. Iz Federalnog ministarstva trgovine navode da se produženjem trajanja mjere nastoji očuvati balans između zaštite potrošača i slobode tržišta, omogućujući potrošačima pristup osnovnoj potrošačkoj korpi po razumnoj cijeni, dok se istovremeno trgovcima i proizvođačima ostavlja prostor za konkurenciju i raznovrsnost ponude, javlja Fena.



Kadrovske promjene...

Goran Račić novi predsjednik Privredne komore RS

Mandati izabranim organima traju četiri godine, a stupili su na snagu 1. jula 2025. godine

Račić, dosadašnji predsjednik Područne Privredne komore Banjaluka, na ovoj poziciji će zamijeniti Peru Ćorića. Iz Privredne komore RS saopšteno je da je na današnjoj Konstitutivnoj i izbornoj sjednici Skupštine verifikovan mandat novim članovima Skupštine Privredne komore, te izabrano novo rukovodstvo Privredne komore RS. Za predsjednika Skupštine izabran je Radovan Maksimović iz preduzeća "Venera" Banjaluka, dok će funkciju potpredsjednika ovog tijela obavljati Valentino Janković direktor "Drina osiguranja". „Od ukupno 77 članova, koliko broji Skupština PKRS, 76 prisutnih je glasalo za izbor Gorana Račića za predsjednika Privredne



komore RS. Račić će funkciju predsjednika Privredne komore RS obavljati u naredne četiri godine“, navodi se u saopštenju. Članovi Skupštine potvrdili su i mandat potpredsjednicima Komore, koji će u naredne četiri godine biti na ovoj funkciji, a to su Radovan Vukoje iz „Vinarije Vukoje 1982“ iz Trebinja i direktor Dunav osiguranja Banjaluka Bojan Popović. Takođe, na sjednici su izabrani i novi članovi Upravnog i Nadzornog odbora Privredne komore Republike Srpske. Mandati izabranim organima traju četiri godine, a stupili su na snagu 1. jula 2025. godine.

Kadrovske promjene...

Nihad Imširović novi predsjednik Udruženja poslodavaca FBiH

Dugogodišnji uspješan privrednik i menadžer s bogatim iskustvom

Nihad Imširović novi je predsjednik Udruženja poslodava Federacije BiH, izvještava BiznisInfo.ba. Imširović, vodio je više velikih kompanija.

Nihad Imširović je dugogodišnji uspješan privrednik i menadžer s bogatim iskustvom upravljanja i rukovođenja kompanijama u sektoru proizvodnje, distribucije i trgovine. Tokom svoje karijere




obavljao je rukovodeće funkcije u nekim od najvećih kompanija u BiH, uključujući Konzum, Klas, Zvijezda, Sarajevska pivara i druge. Diplomirao je na Ekonomskom fakultetu Univerziteta u Sarajevu, a posebno je poznat po uspjesima u restrukturiranju, razvoju i unapređenju poslovanja, te doprinosu razvoju tržišta robe široke potrošnje u BiH.



PRIVREDNA KRETANJA U TUZLANSKOM KANTONU ZA I-VI2025. GODINE

Prema podacima za prvo polugodište 2025. godine, došlo je do pada obima industrijske proizvodnje u Tuzlanskom kantonu za 7,9% u odnosu na prvo polugodište2024. godine. Proizvodnja intermedijarnih proizvoda je ostvarila pad od 0,4%, proizvodnja energije 15,7%, kapitalni proizvodi 2,6%, trajni proizvodi za široku potrošnju 10,0% iproizvodnja netrajnih proizvoda za široku potrošnju 10,8%.

Industrijskaproizvodnja	Index	%
Ugalj i lignit	94.9	-5.10
Ostale rude i kamen	111.5	11.5
Prehrambeniproizvodi	89.5	-10.5
Proizvodnjapića	97.0	-3.0
Proizvodnjatekstila	86.7	-13.3
Proizvodnjaodjeće	75.3	-24.7
Koža i srodniproizvodi	84.5	-15.5
Preradadrvt-aosimnamještaja	76.6	-23.4
Proizvodnjakoksa i derivatanafte	87.8	-12.2
Hemikalije i hemijskiiproizvodi	96.3	-3.7
Farmaceutskiiproizvodi	136.0	36.0
Proizvodi od gume i plastičnih masa	99.0	-1.0
Ostalinemetalinimineralniiproizvodi	103.8	3.8
Proizvodnjabaznihmetala	69.5	-30.5
Metalniiproizvodiosimmašina	110.0	10.0
Električnaoprema	125.4	25.4
Mašine i uređaji	78.1	-21.9
Proizvodnjanamještaja	90.0	-10.0
Proizvodnja i snabdijevanjeel.energi-jom, plinom, parom i toplomvodom	78.8	-21.2



Industrijska proizvodnja I-VI 2025/ I-VI2024 (%)

Ukupni izvoz iz Tuzlanskog kantonau prvom polugodištu 2025. godineiznosio je1.080,9miliona KM što je za 8,7% manjeu odnosu na nominalnu vrijednost izvoza u istom periodu 2024. godine.U istom periodu ostvaren je uvoz u vrijednosti od 1.330,3 miliona KM, što je pad nominalne vrijednosti uvoza od 6,7% u odnosu na prošlu godinu.Vanjskotrgovinski deficit je 249,8 miliona KM, a pokrivenost uvoza izvozom je 81,2%.Najveći izvoz je u mašinskoj i hemijskoj, a najvažniji vanjskotrgovinski partneri suAustrija iNjemačka.

I-VI 2025	Izvoz (000) KM	Uvoz (000) KM
Hrana i piće	32.195	126.334
Industrijski materijali	421.984	448.954
Goriva i maziva	19.525	89.360
Kapitalni proizvodi	177.508	214.914
Transportna sredstva i dijelovi	60.075	65.111
Proizvodi za široku potrošnju	181.383	155.607
Proizvodi, drugdje nspomenuti	187.759	230.021
UKUPNO	1.080.429	1.330.301

Izvoz i uvoz prema BEC I-VI 2025.

U periodu januar – juni 2025. godine, prema podacima Porezne uprave FBiH, u Tuzlanskom kantonu je naplaćeno 764.682.996 KM javnih prihoda. To je 13,5% ili 90,9 miliona KM više u odnosu na isti period prošle godine. Tuzlanski kanton je drugi u učešću u ukupnoj naplati u FBiH sa učešćem od 17,14%.

Na dan 30.6.2025. godine u Tuzlanskom kantonu je bilo 104.233zaposlenih i 60.223 nezaposlenih osoba. Prosječna neto plata u Tuzlanskom kantonu u junu 2025.je iznosila 1.446 KM što je ispod prosjeka Federacije BiH. U odnosu na kantonalni prosjek iz 2024. godine, neto plaća je veća za 16%.

Djelatnost		Tuzlanski kanton	
		Neto plaća (VI 25)	VI 25/ 2024 %
A	Poljoprivreda, šumarstvo i ribolov	1.347	16,7
B	Vađenje ruda i kamena	1.660	6,1
C	Prerađivačka industrija	1.274	22,5
D	Proizvodnja i snabdijevanje el.en., plinom	1.948	-4,3
E	Snabdijevanje vodom i uklanjanje otpadnih voda	1.354	11,8
F	Građevinarstvo	1.195	27,5
G	Trgovina na veliko i malo	1.209	25,5
H	Prevoz, skladištenje i komunikacije	1.184	28,4
I	Hotelijerstvo i ugostiteljstvo	1.075	28,3
J	Informacije i komunikacije	2.294	9,3
K	Finansijske djelatnosti	1.678	3,1
L	Poslovanje nekretninama	1.322	27,1
M	Stručne, naučne i tehničke djelatnosti	1.365	17,7
N	Administrativne i pomoćne uslužne djelatnosti	1.223	19,3
O	Javna uprava i odbrana	1.923	9,7
P	Obrazovanje	1.314	14,2
Q	Zdravstvena socijalna zaštita	1.900	2,9
R	Umjetnost, zabava i rekreacija	1.357	19,5
S	Ostale uslužne djelatnosti	1.495	14,5

STRUČNA SLUŽBA KOMORE

**Prostor za vašu
reklamu je**

LED Display Komore

**Više informacija na:
komora@kpktz.ba
ili
035 369 550**